



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 242. Quid circa crimina excepta & juris ordinem sit addendum.

urn:nbn:de:hbz:466:1-42600

Quod si litigetur occasione unius rescripti in causa principali, & alterius in causa appellationis, de validitate appellationis cognoscere deberet, non Judex super principali, sed deputatus super appellatione, Cap. *Dilectus*, 29. de rescriptis. Quis in materia simoniæ sit Judex competens, vide *Leur.* p. 3. q. 757. Quis in materia juramenti relaxandi, *Delbene* c. 8 dub. 28., qui c. 10. d. 18. docet Papam judicare inter duos Supremos Principes.

Q. 242. Quid circa crimina excepta & juris ordinem sit addendum. R.

§. I. Crimina excepta, in quibus opus non est semper servari omnem juris ordinem, sunt hæc, 1. Læsa Majestatis : 2. Hæreseos : 3. Sagarum : 4. Prodictionis : 5. Conjurationis : 6. Falsæ monetæ, 7. Latrociniū. In his tamen aliisque omnibus non potest aliter procedi, quam recta ratio & jus naturale dicteret, uti recte *Spe* in *Caut. Crimin.* dub. 5.

§. II. Judex supremus & independens potest in crimen enormi & certò notorio omittere ordinem juris, si in mora sit grave periculum Reip., uti si reus alioqui esset evasurus. An autem possit sententiam mortis ferre more belli & sine ullo, ne summario quidem processu, dubium est, negat *Lugo*; affirmat probabile esse, quod possit in urgente casu, *Leff.*, uti si solus Rex sciret adulterum vim inferre Reginæ, quia sic fieri expediret ad Reginæ infamiam vitandam. Vide *Tamb.* 1. 6. c. 1. §. 4.

*D U B I U M II.**De Potestate & Officio Iudicis.*

1420

*A R T I C U L U S I.**Quid requiratur in Iudice.*

R Esp. I. Præter tria dicta Superiore dubio, requiritur scientia, quæ sciat suo munere recte fungi.
Aaa 3